



# THEOLOGUS

17

ACADEMICIS PRAECEPTIONIBUS  
INSTITUTUS,

A LIC. JOANNE VAZQUEZIO,  
PETRI EMMANUELIS PRIETI,  
THEOLOGIAE DOCTORIS,

PRIMARIQUE PROFESSORIS  
AUXILIO,

CALENDIS OCTOBREBUS AN. MDCCCXCI.  
ANNIVERSARIIS CONCERTATIONIBUS  
DEFENDENDUS.



HISPALI:


Apud Emmanuelem Nicolaum Vazquezium, et Francis-  
cum Antonium Hidalgun. An. 1791

ACADEMIAE  
THEOLOGICAE  
BIBLIOTHECA  
2011  
Stude sapientiae, fili mi; et laetifica cor meum:  
ut possis exprobranti respondere sermo-  
nem. Prov. c. xxvii. v. 11. (Vulg. Edit.)

*Chachám, béni, vescammách libbí:*  
*veaschivah chorphi davár:*

Hebr. Cod.

ACADEMIAE RECTOR,  
VIRO CLARISSIMO,  
BENEDICTO RAYMUNDO  
DE HERMIDA,  
REGIS A CONSILIIS,  
ATQUE FORI REGII HISPALENSIS  
PRAESIDI NOBILISSIMO.

APIENTER Princeps ille ingenii, et doctrinae Plato non civitates solum, sed et republicas omni fortunâ beatas fore praedixit, cum à doctis, et sapientibus viris eae regi caepissent; aut cum earum Rectores omni studio, et diligentia doctrinae, et sapientiae consecrarentur. Et sanè Spartae civitas, cum antea legibus, et moribus perdita, et nullius ferè nominis fuisset; ad id tamen felicitatis, et gloriae, sapientissimo Lycurgo eam REGENTE, pervenisse visa est; ut ad quingentesimum usque annum à cuncta Graecia, et à totius fermè orbis civitatibus quasi religionis, disciplinae, et morum Magistra nimio opere observaretur. At quorsum haec tam longinqua commemorare? cum ipsa haec civitas, et Provincia Baetica nunc tuo, hujus Fori Praeses Illustrissime, ductu, et auspicio sapientissimo, et diligentissimo, et integerrimo ad amplissimam, quam numquam antea aut vidimus, aut audivimus felicitatem

tem evecta, ejus rei exemplum nobis exhibeat luculentissimum. In Te enim scientiam, virtutem, auctoritatem, doctrinam cum virtute, suavitatem cum scientia, prudentiam cum auctoritate sic omnes animadvertunt, ut harum virtutum ultra utri praestet, ignoremus. Illud autem certò scimus, Te eum Heroa esse, quem omnes sententiis profundum, verae, et solidae prudentiae regulis maximum, causis, et litibus implicatissimis etiam, et gravissimis expediendis celerissimum, scientiarumque omnium, quae nedum sapientissimum Fori Rectorem, sed et politissimum rei-publicae gubernatorem constituunt, cognitione magnopere eminentem, jure, et merito suspiciunt, reverentur, admirantur.

Et certè quidem ista tuae animae singularis excellentia, ista ingenii vis, atque praestantia, ista eloquentiae suavis, ista dicendi ratio, quam Tu et à natura, et ab studio acceptam tuis in sermonibus, et scriptis sapienter ostendis, ista cum juris, & legum, tum Matheseos, et historiae vel profanae, vel Sacrae, et Philologiae subtilissima, et tibi maxime jucunda scientia, et cognitio, ista admiranda auctoritas humanitati admixta, quacum et altum tui ministerii fastigium honestissime tueris, et omnium amorem, et venerationem tibi devincis, ista pietas, et Religionis cura, argumento sunt clarissimo, Divinam Providentiam Te rebus maximis, et admodum difficilibus destinasse. Equis enim ille est, qui non videat numquam sanè potuisse Te aut rerum multitudine opprimi, aut negotiorum varietate confundi, aut agendorum magnitudine superari?

Haec ego omnia mecum ipse animo cogitans, et Te etiam hujus Regiae Academiae amantissimum Conservatorem considerans, justissimas esse causas duxi, quare hoc opus cultiori stylo elaboratum, ac ingenti sapientiâ elucubratum, solidâ, maximâ, et omni eruditione perfusum, à me tibi re verâ Sapientii, et valde erudito lubentissimè addiceretur. In qua  
re

re quidem nihil aliud fecimus, quàm nostri animi, erga Te bene affecti, desideriis morem gerere; quibus nos vehementer adducti fateri non dedignamur, nullam Academiae nostrae ex omnibus occasionibus, (erunt profectò multae) optabiliorem fore, nullam splendidior, nullam antiquiorem, aut majori dignam laude futuram, quàm quae nostram omnem industriam, nostra ad Te celebrandum studia convertet. Quare Deum O. M. precamur, ut Te, innumeris suae gratiae donis abunde cumulatum, et superioris fortunae bonis, et honoribus (de quibus optimè es meritis) refertum, nostri Potentissimi, et Religiosissimi Caroli Forensibus judiciis, et pauperum, et divitum solatio, et rectissimae justitiae administrationi, et Artium, et Religionis, et hujus Regiae Academiae augmento, et conservationi, quàm diutissime possit, immortalem conservet.

*Tibi obsequentissimus,  
Regiae Academiae  
Rector, et Cancellarius,*




*D. D. Antonius  
de Vargas.*



## THEOLOGUS

ACADEMICIS PRAECEPTIONIBUS  
INSTITUTUS.

## PRAEFATIO.

„ICI non potest, dilectissime fili Laurenti,  
 „ quantum tua eruditione delecter; quàm-  
 „ que te cupiam esse sapientem: non ex  
 „ eorum numero, de quibus dicitur,  
 „ *Ubi sapiens? ubi scriba? ubi conquisitor*  
 „ *hujus saeculi? Nonne stultam fecit Deus sapientiam hujus*  
 „ *mundi?* (a) Sed ex eorum, de quibus scriptum est:  
 „ *Multitudo sapientium sanitas est orbis terrarum.* (b)

Liceat enim mihi, cùm sententiis, quoad ejus con-  
 jici potest, Academicis, tùm praeterea Regio planè  
 Consulto, (c) vestro Theologiae praeceptor, juvenes,  
 designato, verbis iisdem affari nunc vos et cunctos,  
 et singulos; quibus suum affatus est olim Laurentium  
 ille *Vir sanctus, et eloquens*, (d) *Domini tuba*, (e) *Pater*  
*Patrum, Doctor Doctorum, ad quem*, B. subdit Possi-  
 dius, vel Possidonius, Calamensis Episcopus, *laudandum*  
*sufficiens adhuc non essem, si cuncta corporis membra ver-*  
*terentur in linguas:* (f) eloquentiâ, inquam, magnus,  
 sapientiâ major, sanctitate maximus, rei demum Theo-  
 logicae tractatione praecipuus, Aurelius videlicet Au-  
 gustinus. (g) Neque enim minor, puto, est, quàm de  
 illius eruditione discipuli tanto fuit, ac tali Magistro,  
 de vestra mihi, quamquam hominum minimo, ratio  
 lae-

(a) 1. Cor. c. 1. v. 20.

(b) Sap. c. 6. v. 26.

(c) Die XXII. Decemb.  
an. 1790.

(d) Hieron. lib. 3. Dialog. ad v.

Pelag. c. 6.

(e) Paulin Epist. 31. ad Romanian.

(f) Epis. ad Macedonium.

(g) Enchirid. c. 1.



## (IV)

lactandi: et eò certè magis vos sapientes esse, non simulatâ, terrenâ, animalî, diabolicâ, desursum neutiquam descendente, sed pudicâ, pacificâ, modestâ, suadibili, bonis consentiente, plenâ misericordiâ, et bonis fructibus, sapientiâ (a) cupiendum est, atque optandum; quò magis hæc vobis sapientia ipsa caelestis, quæ à Verbo Dei in excelsis, ejusdem fonte, derivatur, (b) est utilis, necessaria, peculiaris. Fuerit sanè Laurentius, si cui fortè placebit, Romæ Notarius; quin etiam Notariorum, ut recentiores præferunt codices, primicerius; (c) siquidem adhuc est hominis dignitas incomerta: sed à Laicorum grege fidelium, quoniam nullum extat adversum, probabile saltem, vestigium, minimè secernendas. Inter Laicum verò quemlibet, quòd ad Sacras pertinet disciplinas, eumque vel adolescentem, vel juvenem, vel etiam virum, in Academiis auditorem, (ut de senibus taceam venerandis, nostram hancce Regiam libentissimè frequentantibus) plurimum liquet discriminis interesse.

Nam quid, quaeso, Laicus ad Clericum? vel ut planius loquar, Graeca hæc bina, *Laos* et *Kleros*, Latine convertens: quid populus, etiam Dei, etiam acquisitionis ille Christianus, quem *genus electum*, *regale Sacerdotium*, *gentem sanctam*, Apostolorum Princeps omnium Petrus appellat: (d) ad sortem, peculiūve Dominicum, de tribubus fidelium cunctis electum, uniúsque ministerio Domini exercituum mancipatum: (e) ubi Ecclesiasticæ Hierarchiæ, quæ est ut ordinata castrorum acies, (f) domum, septenis Gradibus, quatuor Minoribus, tribusque Majoribus, velut totidem columnis innixam, Sapientia sibi sempiterna construxit? (g) Neque verò quemvis à me intellectum hocce loco Clericum putatote; tametsi Clericorum mi-

(a) *Jacob.* c. 3. vv. 15. 17.(b) *Ecclesi.* c. I v. 5.(c) *Carcassonnensis.*(d) *Petr.* 1. c. 2 v. 9.(e) *Deuter.* c. 18. v. 5.(f) *Trilint.* 5. 23. c. 4. *Cant.* c. 6. v. 9.(g) *Prov.* c. 9 v. 1.



nimo nihil potest esse felicius; cui efficitur suus Condi-  
tor census, et hæreditas dignatur esse ipsa Divinitas: (a)  
sed eos in primis, quales vos scilicet numeramini,  
quos aut Sacerdotii Ordo décorat divinissimus; aut  
certè ipsum jampridem inhiantes, atque pro uniuscu-  
jusque vel ætate, vel scientia, vel reditu propiùs,  
remotiùsve salutantes; idem ipse manet ut décoret.

Jam labia Sacerdotis nōne custodient scientiam; et  
legem de ejus ore requirent? (b) Nōne qui scientiam  
repulerit, is à Domino, ne ipsi fungatur Sacerdotio,  
repelletur? (c) Nōne hi, qui ea, quæ sunt Domini,  
nesciunt, à Domino nesciuntur: Paulo attestante, qui  
ignorabitur, si quis, inquit, ignorat? (d) „ Nonne  
„ Ecclesiae quoddam est dedecus inscium videre Pres-  
„ byterum; cui utique congruit erudire populum, et  
„ ad se confluentibus monita propinare salutis? Nōne  
„ propterea in capite turbarum praesidet; ut verbum  
„ Dei pronuntiet plebibus; errantibus scientiae pro-  
„ ferat lumen; atque de omnibus, quæ ad Catholicam  
„ pertinent veritatem, rationem competentem, se in-  
„ terrogantibus, respondere sufficiat? “ (e) „ Ubi ergo  
„ sunt illi, qui innocentiam Sacerdoti dicunt posse  
„ sufficere? Vetus lex novæ congruit. Idipsum Moses,  
„ quod Apostolus: ille Sacerdotis scientiam ornat in  
„ vestibus; iste Timotheum, et Titum instruit disci-  
„ plinis. “ (f) Et quia in Timothei mentionem incidi-  
mus, quàm eum, mei juvenes, ipse commendat gen-  
tium Doctor, „ quòd ab infantia Sacras litteras nōs-  
„ set, quàs ad docendum, ad arguendum, ad corri-  
„ piendum, ad erudiendum in justitia, ut perfectus  
„ sit homo DEI, ad omne opus bonum instructus;  
„ uti-

(a) Presp. lib. 2. de vit. con-  
temp. c. 16.

(b) Malach. c. 2 v. 7.

(c) Os. c. 4. v. 6.

(d) Greg. Pastor. part. 1. c. 1.

1. Corint. c. 14. v. 38.

(e) Laurent. Justin. de spirit. anim.  
inter. lib. 3. n. 15.

(f) Hieron. ad Fabiol. de vestib.  
Sacerd.

„utiles esse,“ *subjungit!* (a) Quid, quod per aliquot saecula moris fuisse Gallorum, Germanorum, Italarum, omnium denique nationum, ut litteratissimum quemque, vel laicum, Clericum appellarent, historici bene multi, fideque dignissimi, tradidere? (\*) Hinc sanè factum est, ut Gallis idipsum *Clerc*, nempe *Clericus*, quod scitus, aut doctus; et *Clergé* scilicet *Clericatus*, quod doctrina, vel scientia sonaret. (b)

Sed quorsum hæc, inquit fortè vestrum aliquis, disputas? Quorsum? Ut intelligatur, si Laurentius sibi ab Augustino *Enchiridion* postulabat, exigua scilicet mole libellum, qui manibus posset astringi, nec de suis unquam contingeret recessurum, præcipua Christianae Theologiae dogmata continentem: „quid nempe sequendum maximè; quid propter diversas principaliter haereses sit fugiendum: in quantum ratio pro religione contendat; vel quid in rationem, cum fides sit sola, non veniat: (\*\*) quid primum, quid ultimum teneatur; quæ totius definitionis sit summa: quod certum, propriumque fidei Catholicae fundamentum:“ (c) eumque librum vir summus, postulatis annuens, exaravit, ut processui consuleret postulantis: è re nata melius à me nil fieri potuisse, quam ut Theologicum, vobis expetentibus, codicem exhiberem, consilio, et parvitate persimilem, atque, ut Pliniano utar vocabulo, manualementem; (d) eruditione verò, eloquentiaque dissimillimum: ubi non modò formam ipsam, et tanquam faciem Theologiae videatis; sed tota etiam mente Ordinem, Studium, Finem, quæ à suis illa exigit cultoribus, contrectetis: paucis, Theologum præceptionibus Academicis institutum.

Quod

(a) 2. Tim. c. 3. vv. 15. 16. 17.

(\*) Videte Liberatum Fasson.

Schol. Piar. in *Quæst. Critic.*

De viro Laico cum hæreticis disputante, impress. Liburnii

an. 1765.

(b) Du Cange gloss. med. et inf. Lat. Verb. Clericus.

(\*\*) Aliter alii Codices habent; hæc autem lectio visa mihi est probabilior.

(c) *Enchir.* c. 4.

(d) *Lib.* 19. c. 1.

(VII)

Quòd si idem et docenti, et discenti debet esse propositum, ut ille prodesse velit, hic proficere; (a) sicque vobis mecum ista conveniunt, ut nec vos nisi proficere; nec ego nisi prodesse velimus, optemus, cogitemus, sequamur: mirer profectò, si in hac opportunitate, atque utilitate doctrinae, insolitum positionum, sive Conclusionum genus quispiam carpat. Is autem, qualis erit cumque, laboris mei, scopoique reprehensor divinum illud sibi habeat pro responsione proverbium: *Sermo opportunus est optimus.* (b)

Referam me igitur ad meum Academiae Theologum inchoandum, meisque ad eam scientiam Conclusionibus informandum; quae caritati conjuncta, non inflat, (c) aut destruit; sed aedificans, (d) ardet, et lucet: (e) quâ certè possit, non unus è turba Theologus; sed omnibus suis numeris, et partibus expletus evadere. Quamquam quid meum dixi, vel meis? Imò veritatis, et veris; sed quia veritatis, idcirco plus meis: illam enim, si quomodo comprehendam, (f) sequi constituo; Ecclesiae, quae columna est, et firmamentum veritatis. (g) in Scripturis, et Patribus, et Canonibus intelligendis, atque ad rem propositam afferendis, sensum exquirens. Magnum opus omnino, DEUS immortalis, et arduum molior: rem difficilem, et omnium difficillimam; vestri tamen causâ, juvenes, et amore susceptam: quam si sustinere non potuero, injuncti tantulo tanti oneris culpa sit vestra, mea recepti: sed utramque, obsecro, intentio utriusque partis recta compenset.

Quaeritis igitur impensè, idque jam saepius, quam Theologiae perdiscendae rationem, probem maximè: et qualis mihi videatur illa, cui addi nil possit; quam ego summam judicem, et perfectissimam reliquarum. In

(a) Senec. Epist. 108.

(c) Joann. c. 5. v. 35.

(b) Prov. c. 15. v. 23.

(f) Philipp. c. 3. v. 12.

(c) 1. Cor. c. 8. v. 1.

(g) 1. Tim. c. 3. v. 15.

(d) Ibidem.

(VIII)

„ In quo (ut à Tullio, de Eloquentia disserente, verba  
„ mutuer ad Theologiam) „ vereor, ne si id, quod  
„ vultis, effecero; cùmque Theologum, quem desideratis,  
„ expressero; tandem studia multorum; qui, despera-  
„ tione debilitati, experiri id nollent, quod se asse-  
„ qui posse diffidant. Sed par est, omnes omnia ex-  
„ periri; qui res magnas, et magnopere expetendas,  
„ concupiverunt. Quod si quem aut natura sua, aut  
„ illa praestantis ingenii vis fortè deficiet; teneat ta-  
„ men eum cursum, quem poterit. Prima enim se-  
„ quentem, honestum est, in secundis, tertiisque con-  
„ sistere.“ (a) Ad Theologiam itaque nemo, quin sit  
„ vocatus, accedat: sed quem scientiarum Dominus (b)  
„ invitaverit, is meminerit; neque omnibus quina data,  
„ commissæque talenta, sed bina nonnullis (aut) singula;  
„ nec ab eis, quibus commendantur, negotiatione sibi  
„ imposita, plus repeti lucri, quàm duplum. (c) Ergo  
„ sic habete, sic judico, eam esse omnium optimam  
„ addiscendae Theologiae rationem; in qua tria demum  
„ illa, Ordo, Studium, Finis, superius indicata, rite  
„ servantur. (d)

Est jam verò huiusce ordinis providere, ut prius  
Philologica, deinde Philosophica, tum Theologica per-  
cipiantur: in quò sanè, quàm se artium, atque scien-  
tiarum campus Theologo futuro nostro longus, et  
latus aperiatur; cùm res sit per semet ipsa perspicua;  
tum conclusiones, quas subijcimus judicandas, amplius  
patefacient. Non est enim Theologia nostra, si qui-  
dem prout decet, imò etiam prout oportet, exco-  
latur, inculta; sed omnium planè disciplinarum, sibi  
justissimè famulantium, amoenitatibus ornatissima.  
Has ipsa suas mittit ancillas ad arcem, et ad moenia  
civitatis; parvulos, ut ad se tandem veniant, vocat  
has. (e) Scilicet quasi parvulorum propriae doctrinae  
sunt.

(a) In Oratore sub init.

(d) Bernardus in Cant. Serm. 36.

(b) 1. Regi. c. 2. v. 3.

(e) Prov. c. 29. vv. 3. 4.

(c) Matth. c. 25. à v. 15.

sunt reliquae; at easdem, ad Sacras litteras dignè tractandas, prius esse discendas, non Augustinus modò, (a) sed doctus etiam omnis, verè, inquam, doctus inculcat. Ac de Ordine quidem, quoad praefationem pertinet, hactenus.

Sequitur de Studio, quod pro rerum, quae scitu sint digna, naturâ, et conditione variarum, sic candidatus, petitorve Theologicus variabit; ut in maximis maximum, in mediocribus mediocre, in minimis tandem non nullum collocet, dico, sed minimum. Maxima voco dogmatica, scholastica mediocria, minima extranea. Quo in genere mirum profectò est, quanta in Theologiam vel ipsi, qui à plerisque Theologi audiunt, peccent. Hic enim Historicis, exempli causâ, plurimum delectatur; ille Politicis; quidam Mathematicis; non nemo Linguis; alii denique, prout quisque affectus est, aliis: sic ut apud istos illud unum valeat, unum floreat, unum regnet, quod sibi arridet, et placet, studium; caetera contrâ langueant, marcescant, vix, aut nullo penitus modo colantur. Qui porro et dici, et esse, fateor, Historici poterunt, vel Politici, vel Mathematici, vel Interpretes, vel simile quidpiam, aut dissimile; Theologi tamen nec rem talium quilibet habere hâcce viâ poterit; nec verò, si de jure sit sermo, nomen, aut decus. Taceam nunc illos, quibus tanta est, quemadmodum Augustinus loquitur, *libido rixandi*, (b) ut de rebus vel omnino, vel propemodum inutilibus, frivolis, anilibus, ineptissimis, integris voluminibus digladiantur: apud quos nullum Theologus ille locum obtinet, nullo prorsus est numero, qui, *stultas ejusmodi quaestiones, et contentiones, et pugnas*, (c) in quibus *verba sunt plurima, multâmq; in disputando habentia vanitatem*, (d)

B

Apos-

(a) *Lib. 2. de Doctr. Christ. tot.*

*maximè à c. 20.*

(b) *Eod. lib. c. 32.*

(c) *Epist. ad Tit. c. 3. v. 9.*

(d) *Ecclae. c. 6. v. 6.*



Apostolico parens praecepto, *devitare* constituit. (a)  
Haec de Studio: illa de Fine.

Absit, absit à Theologiae sectatore nostro cupiditas; absit ignavia: sola eum Dei, sui, proximi Caritas inclinet, inducat, inflammet: Caritas, inquam, non *verbo* tenus et linguâ; *sed opere, et veritate* (b) probata. (c) Est autem cupiditas, Augustino docente, quàm multiplex; (d) at omnis inimicissima Caritati. Quo sanè vocabulo *motum animi* intelligo *ad fruendum Deo propter ipsum; et se, atque proximo propter Deum:* cupiditatis autem opposito *motum animi ad fruendum se, et proximo, et quolibet corpore, non videlicet propter Deum.* (e) Quid jam verò, ut praecipua cupiditatis membra commemorem, vanitas est, nisi inanis cupiditas gloriae? Quid ambitio, nisi praepostera honorum cupiditas? Quid denique, nisi pecuniae vehemens quaedam, et caeca cupiditas, avaritia? Nempe haec omnia, tanquam *mundi, in maligno positi,* (f) propria, Apostolicae litterae detestantur: (g) Theologus autem, quamvis in mundo adhuc sit; de mundo tamen esse non debet. (h)

Nec verò ignavus, negligens, segnis, mera Theologiae cognitione contentus: quippe cui scientiae divinae, negotiandi causâ, non otiandi, danda sit opera. *Negotiamini,* inquit Veritas ipsa, *dum venio:* servumque pigrum, qui talentum abscondit in terra, de inutilitate damnatum, in tenebras ejicit exteriores. (i) *Sapientia enim abscondita, et thesaurus invisus, quae demum utilitas in utrisque?* (k) Aut quis *lucernam,* ut *illam sub modio ponat, accendit?* (l) Vos, ò Theologi, lucem mundi esse, cognoscite, super magisterii candide-

(a) *Ad Tit. c. 3. v. 9.*

(b) *1. Joan. c. 3. v. 18.*

(c) *Greger. Homil. 3. in Evang.*

(d) *Lib. 3. de Doct. Chr. c. 10.*

(e) *Id. ibid.*

(f) *1. Joan. c. 5. v. 19.*

(g) *Ibid. c. 2. vv. 14. 15. 16.*

(h) *Joan. c. 17. vv. 11. 14.*

(i) *Matth. c. 25. vv. 25. 26. &c.*

(k) *Ecclesi. c. 20. v. 32.*

(l) *Matth. c. 5. v. 15.*



delabrum à Christo Domino constitutam; ut omnibus, qui in Ecclesiae suae domo sunt, verbo, exemploque luceatis. (a) *Ac meliorem quidem eum esse hominem, qui insipientiam suam celat, hominem suam sapientiam abscondente*, non mihi, dico, credatis, sed Domino. (b) Caritate igitur ducti, caritate flagrantés, ad Theologiam cuncti, ejus discipuli, juvenes, convolemus: ut nempe quid Deo, quid nobis, quid proximo debeamus, Deo inquam, pietatem, nobis sobrietatem, aequitatem denique proximis, agnoscentes, vitæque ipsâ nostrâ complentes; idem reliquos doceamus. Nam si et nobis attenderimus, et doctrinae; atque institerimus utrumque praestare; et nosmetipsos salvos faciemus; et eos, qui nos audierint, ut auctor est Paulus. (c)

Quod superest, studete, quaeso, sapientiae, filii, et laetificate cor meum: ut possitis exprobranti respondere sermonem. (d) Hanc opto, hanc flagito, hanc jubeo, in Theologicas exercitationes ut operam dare conemini; quam rectus Ordo, Studium congruens, sanctus denique Finis exposcunt. Id nimirum Deo, id Ecclesiae, id Reipublicae, id Academiae, id Magistris omni prorsus jure debetis. Ecce quot, qualiumque parentum vestra intersit, juvenes, honori prospicere. Macti ergo estote virtute; macti sapientiâ, non inani, sed solidâ. Quam sanè vos, tanquam lucis filios, viam lucis ingressos; nec inde ad sinistram, vel dexteram deflectentes; videbunt recti, et laetabuntur; et omnis iniquitas oppilabit os suum. (e) Sin verò contingat, (quod eveniet pro stultorum conditione saepissime) ut vel in Academiam, vel in eos, quibus ipsa met ad vestram institutionem utitur, Praeceptores; quòd indocti sunt omnes; quòd puri puti Grammatici; quòd superbi; quòd malè in doctrina sani, atque suspecti; ejusmodique convicia, vobis praesentibus, con-

(a) *Idem ibid.* vv. 14. 15. 16.

(d) *Prov.* c. 27. v. 11.

(b) *Eccli.* c. 20. v. 33.

(e) *Psal.* 106. v. 24

(c) *1. Tim.* c. 1. v. 16.

conjiçiantur: (nam quid nunc maledicta in homines praeclarissimos asperè, ac ferociter dicta commemorem?) respondete illis quidem; non tamen probra, sed proba; seu verba, veritati, ac virtuti conformia: si vestris fortè excitati, correctique sermonibus, respiscant; aut convicti saltem, et confusi, recedant. Ego autem, si me vestri non culpâ, sed causâ quis laceret; vestramve mihimetipsi inscientiam, incuriam, arrogantiam, turpitudinem falsè exprobet, et iniquè; tantum certè aberit, ut *tacens consumar*, (a) obmutescere, aut abire coactus; ut *veritate*, *suos discipulos liberante*, (b) confisus; maledici conviciatoris injurias paucis quidem verbis, sed invictis extinguam. Quo profectò sensu postremo versus Vulgatae editionis ille, quem Codicis hujus fronti praescripsimus, Hebraicis fontibus continetur: *Chachâm, bēni, vescammâch libbi: veaschivah chorphî davâr: Hoc est: Sapiens, fili mi; (scilicet esto) et exhilara cor meum: et respondebo, afficienti me probris, verbum.*

Sed nihil opus est plura: jam enim Conclusiones parvi hujus, nec limati opusculi triplices, ad Ordinem, ad Studium, ad Finem, quae in Theologica exercitatione servari oporteat, spectantes, nostram omnem tribus capitibus explicabunt de vera, et germana Theologia; deque Theologo, ut par quidem est, instituendo, erudiendo, perficiendo sententiam. Moneam priùs, Hebraea omnia, et Graeca, imo etiam Germana vocabula, quae non ostentationis causâ, sed adhortationis adhibeo, Latinis propterea notis expressa; quòd Hispali praeter Latinos, eòsque rudes, typi reliqui, quamvis aliunde requisiti, atque sperati, minime tamen haberi potuerint.

DE

(a) *Job. c. 13. v. 19.*(b) *Joan. Ev. c. 8. vv. 31. 32.*

# DE ORDINE, IN THEOLOGICA exercitatione servando,

## CAPUT I.

**T**RIA igitur esse jam dixi, ei, qui Sapientiam adamat; (*amare namque*, quod de virtute docuit Seneca, *parum est*) (*a*) atque cujus labores omnes ad ipsam, ut perfectus evadat Theologus, meditantur, rerum genera cognoscenda; aptoque ordine, ac *methodo*, seu via, et ratione versanda: quarum alias Philologicas, partim Philosophicas, quasdam denique Theologicas, mihi libet, quandoquidem licet, ac expedit, appellare. In ejusmodi autem triplici notione, si modò id rationis trutinâ rectae pensabitur, *orbis doctrinae ille*, quem Oratoriae causâ Quintilianus probat in pueris; (*b*) sive *doctrinarum omnium*, ut Vitruvius loquitur, *disciplina*; (*c*) scientia videlicet generalis, ex disciplinarum circulo effecta cunctarum, quam *encyclopaideian* Graeci nuncupant, continetur. Quo ex cumulo tunc Sapientiae templum ordinatè, nisi fallor, animo discentis extruitur; cùm ab *Atrio*, ut ita dixerim, Philologiae fabrica incepta, tandiu per Philosophiae quasi *Sanctum* deducta provehitur; donec ad Theologiae velut *Sancta sanctorum* maturè pertingat. (*d*) Est enim, Apostolo auctore, *Dei templum* homo quilibet verè Christianus: (*e*) cujus mihi sensus instar Atrii, ratio instar Sancti, mens tandem, sive intelligentia, instar Sancti sanctorum esse videtur. Atqui ut Philologia sensui; sic et rationi Philosophia, et intelligentiae Theologia propria est. A sensu ergo per rationem ad intelligentiam, fide nixam divina, progredimur.

(*a*) *Epist.* 71.

(*b*) *L.* 1. *Inst. Orat.* c. 10.

(*c*) *Lib.* 6. *in praefat.*

(*d*) 3. *Reg.* c. 6. tot.

(*e*) 1. *Corinth.* c. 3. v. 16.

mur. Quae autem eruditio humaniores litterae, Hispanè *Bellas letras*, vel *Humanidades* etiam dici solet; eam hic Philologiae nomine intelligo: magnus sanè locus, futurique Theologi proprius, à viris gravissimis tùm Hipanis, tùm Gallis, tùm Germanis, tùm Italis tractatus uberrimè.

Huc itaque Grammatica spectat; nec unius linguae definita limitibus, sed multarum: quae à *glootta*, quod est lingua, vel sermo, et *máthema*, disciplina, vel ars, *gloottomathias*, scilicet doctrinae linguarum, nomen accepit. Linguis accedit Historia, *testis temporum*, *lux veritatis*, *vita memoriae*, *magistra vitae*, *nuntia vetustatis*: (a) eaque cum Chronologia, et Geographia, sive temporum, et locorum notione conjuncta: quam et Scripturae Sacrae, (b) et Jus tùm Canonicum, (c) tùm Civile (d) commendant. Ac Historiam quidem dico multiplicem, nempe Politicam, Naturalem, et Litterariam: quò cuncta Historiarum genera rediguntur. Et Politica quidem vel Divina est, vel Ecclesiastica, vel Profana. Naturalis, pro rerum naturae varietate mirabili, innumera ferè capita comprehendit. Neque verò sterilis Litteraria: in qua tùm Litteratorum opiniones hominum, et scripta; tùm artium, atque scientiarum exordia, et incrementa narrantur. Addite Antiquariam, quae in manu scriptis, et statuis, et nummis, et annulis, et inscriptionibus, et aliis vetustatis *leipsanis*, reliquiisve, sive monumentis detegendis est tota. Attexitote Rhetoricam, Poëticam, *Mythologian*, quae Latine redditur sermo de fabula; atque in variarum, quas ne sim gravis, taceo, fabularum explicatione, ac enodatione versatur. Quarum profectò artium cognitionem, cùm aetatis ejus, in qua sensus, memoria, et imaginatio praevalent, propria esse videatur; rectus doctrinae ordo praescribit in

- (a) *Cicer. lib. 2. de Orat. n. 36.* (c) *Cap. Ad audientiam, de praescrip. et alibi passim.*  
 (b) *Exod. c. 17. v. 14. et Esdr. 1. c. 4. v. 15. et saepe aliàs.* (d) *In l. Breviter. 1. ff. de offic. Praefecti Praetor. et aliàs.*

in pueris. Age nunc, ut totum de Philologia locum in leges, aut regulas, disputationis ergo, et institutionis, quaspiam digeramus; ecce praecipuae

## Philologicae Conclusiones.

I. **C**Avendum est maximè, ne quis, disciplinam quamlibet auditurus, in Academicum recipiatur; nisi Grammaticà, Rhetoricàque Latinis plus erit, quàm mediocriter eruditus.

II. Danda est opera cuilibet Academiae praeceptori, Theologico verò major, ut omni, quoad liceat, sermonis vitiositate sublata, suus rei cuique in Disputationibus, Lectionibus, caeteris demum Academicis exercitationibus stilus, formave dictionis aptetur.

III. Nisi Hebraicae, Graecaeque linguae rudimentis saltem imbutus, juvenis adeat Theologiam; imparatus, aut certè non, prout oportet, apparatus accedit. (\*)

IV. Utriusque idiomatis, modò laudati, multò facilius est, atque promptior, quàm vulgus existimat, comparatio.

V. Quin etiam negare audeo, linguam esse ullam; quae cum Hebraea possit nec simplicitate, nec brevitate, nec facilitate contendere. (\*\*)

VI. De punctis autem, apicibus, virgulis, vel accentibus, quorum est quidem, confiteor, molesta tra-

(\*) Viennense Concilium, an. 1311. sub Clemente V. celebratum, ut in publicis Scholis, Academicisque praecipuis Hebraea, Chaldaea, Arabica linguae traderentur, statuit. *In Clement. t. 5. c. 1.* Paulus autem V. adjecit et Graecam singulari Decreto, an. 1610. pr. Cal. Agust. Romae ad S. Marcum dato.

(\*\*) Videte doctissimum Petrum Guarinum in suae Hebraeae Grammaticae praefatione.

(XVI)

tractatio; ea neque illo cum idiomate nata sunt, sed post Hieronymi tempora à Rabbiniis commodè inducta; nec ad ipsius intelligentiam plurimùm conferunt.

VII. Hebraeam Alfonsi Zamorensis Grammaticam omnium puto adolescentibus utilissimam: in qua et perspicuitas, et soliditas, et integritas, et exiguum *lexicon*, praecipuarum scilicet interpretatio dictionum, et opusculum, Hebraicè, ac Latinè contextum, hujusmodi exercitationi perutile, mira cum brevitate resplendent.

VIII. Graeca vel Gretseri, vel Patavina Grammatica satis est, opinor, apta tironibus.

IX. Dictionaria, ut ita dixerim, tria candidato Theologiae nostro versanda frequenter: pro Latino nempe idiomate, Facciolati; pro Graeco Schrewelii, vel Scapulae; pro Hebraico, Pagnini, sive Buxtorfii.

X. Suadendus est Academicus juvenis Theologicus, ut praesertim vacationum tempore, modò Ciceronis Tusculanas, Academicasque quaestiones perlegat, Officia quoque, Dialogos, *Paradoxa*, hoc est, admirabilia, vel rara: modò Cyprianum, qui, *instar fontis purissimi, dulcis incedit, et placidus*: (a) modò Lactantium, *quasi quemdam Tullianae fluvium eloquentiae*: (b) modò Hieronymum, *eloquentiae fontem*: (c) atque de illa cum Cicerone ipso, quem vincit quodammodo, Erasmi sententià, concertantem: (d) modò Patres Ecclesiae alios, dicendi ratione consimiles: qua de re Josephi Weissembachii libri tredecim lectione dignissimi.

XI. Absit ab Hispani institutione Theologi, vernaculae, cujus esse debet peritissimus, linguae neglectio. Legat idemtidem binos, praeclarissimosque Luisios, Granatensem, ac Legionensem; legat Rivadeneyram, Abylensémque Joannem: ut alios praeteream

(a) Hieron. ad Paulin. Ep. 58. (c) Paulin. S. Ambrosii Notar. in vit. S. Ambr. init.

(b) Idem ibid.

(d) Lib. 5. Epist. 19.



ream innumerabiles, quorum lectione non in sermone solummodo, sed in Theologia, et virtute proficiet.

XII. Cum assiduus in Historia auditor quivis esse debeat Academicus; tùm Theologus omnium maximè: quibus et aurea Vallemontii Historiae universalis elementa, et Ecclesiasticam Gravessonii, non exiguo quidem usui fore sum ratus.

XIII. Ecclesiastica Caroli à S. Paulo Geographia, Holstenii annotationibus illustrata, omnium perfectissima.

XIV. Dionysii Petavii Rationarium temporum Theologiae cultoribus aptius est, atque utilius, quàm ut ab ipsis debeat praetermitti.

XV. Plurima è re antiquaria documenta in Theologiae subsidium eruuntur: quibus Genèri, Hispani Theologi, *Dogmatico-Scholastica Theologia*, *perpetuis Prolusionibus Polemicis*, *Historico-Criticis*, *Sacraeque antiquitatis monumentis illustrata*, inter omnes, quas ego saltem viderim, refertissima.

XVI. Poëtices, Fabulaeque cognitio, quò Emblemata spectant, et Symbola, et Aenigmata, et caetera consimilia, ad Sacrarum confert intelligentiam litterarum. Quo in genere, praeter Augustini libros de Civitate Dei, Pantheum Pomey Mythicum, duòque Martini Du-Cygnei de arte Poëtica libelli nostro sufficient Theologiae candidato.

Sed tempus est, ut à Philologicis ad Philosophica transeamus. Neque enim veteranis in Theologia studendi leges, modúmve sciendi praescribimus; sed tirones, sed adolescentes, sed discipulos, eosque nostros, et carissimos, et amantissimos instituimus, atque ad Theologiae perfectionem accendimus: et ab ejusmodi scripturae genere, vel doctrinae, disputandarum nempe codicis positionum, omnis prorsus aliena, importunaque videtur esse diffusio. Philosophiae igitur vocabulo, quod Sapientiae amorem indicat, vel studium, plus quidem volumus hocce loco, quàm vulgus existimat, intellectum. Quid enim est tam com-

mune, quàm Logicae, ac Physicae nescio quae frustula, vel umbrae, sive imaginis Philosophiae nomine indigna, Philosophiam pleno nihilominus ore laudare? Atqui quàm latè, ac longè sapientia, naturae lumine subnixa, protenditur; tam studium ejus, ipsa ve Philosophia, pateat, necesse est. Sapientia porro, quam nunc juventuti Academicae, potissimùmque Theologicae, commendamus, illa est, *quam Divinarum, humanarumque rerum, tum initiorum, causarumque cujusque rei, cognitione, hoc pulcherrimum nomen apud antiquos assecutam*, Tullius docet. (a) Haec itaque immensa, ut ita dixerim, naturae totius spatia perlustrans; atque latebras, recessusque innumeros penetrans; thesauros, unde scientiae, artesque singulae locupletentur, effodit abditissimos. Haec magna, haec mediocria, haec parva, haec tenuissima quaeque naturalia persequitur. Rerum haec ipsa cunctarum, sive caelestium, sive terrestrium, sive interjacentium, quasi alis acta, et vecta conscendens, descendens, circumiens, repens, elementa vestigat, et naturas, et affectiones, et effectus, et causas, et classes, et caetera. Haec tandem, rerum universitate lustrata, discussa, perspecta, calcata, usque ad *ipsius invisibilia Dei per ea, quae facta sunt, intellecta*, conspicienda transcendit, et *conspicit*. (b) Cedo mihi scientiam, cedo artem, vel illiberalem, nedum liberalem aliquam, et ingenuam; cujus Philosophia non parens, non educatrix existat. (c)

Sed age, vela faciamus; atque praecipuis Philosophiae partibus recensitis; quae ad Theologi institutionem nostri attinent, concludamus. Est autem totius Philosophiae quadripartita descriptio, tritissimis Logicae, Metaphysicae, Ethicae, ac Physicae vocabulis comprehensa. Logica ergo, „ quae per omnes „ partes sapientiae manat, et funditur, rem definiens,

(a) *Tuscul. Quaest. lib. 5. c. 3.* (c) *Cicer. lib. 1. de Leg. sub fin.*  
 (b) *Rom. c. 1. v. 20.*

(XIX)

„genera dispartiens, sequentia adjungens, perfecta  
„concludens, vera et falsa dijudicans, disserendi ratio,  
„et scientia,“ (a) Criticam complectitur, sive artem,  
quae in discernendis auctorum scriptis veterum, et  
novorum tota fermè versatur. Sequitur Philosophia-  
rum prima, princepsque omnium, singulis principia  
suppeditans, (b) Metaphysica: quae sensibilia, et  
imaginabilia cuncta supervolans, rem omninò prae-  
terit nullam, corporis participem, vel expertem, ne-  
cessariam, vel fortuitam, sive existentem, sive prae-  
teritam, sive futuram, sive demum esse potentem;  
quin eandem, ut pateat cognituro, subtilissimâ quâ-  
dam intelligentiae velut anatomîâ discindat. Estque  
duplex, generalis, et specialis. Illa omnia, quae sint  
cumque, universalibus inter semetipsa conciliata ra-  
tionibus, contemplatur: haec de mentibus, Divina,  
Angelica, humana, quoad *signatum super nos vultûs*  
*Dominici* patitur lumen, (c) inquit. Utinam, iterum  
utinam, ab studiosa juventute tanti, quanti ipsa est,  
fiat; aut amplius saltem, et diligentius, quam ex-  
colitur, excolatur! Deinde Ethica, quae à moribus,  
quibus ipsa moderatur, est dicta: „unde cognitio,  
„inquit Cicero, virtutis existit: efflorescunt genera,  
„partesque virtutum: invenitur quid sit, quod na-  
„tura spectet extremum in bonis; quod in malis  
„ultimum: quò referenda sint officia: quae degen-  
„dae aetatis ratio deligenda.“ (d) Huc Naturae Jus  
pertinet, Gentium, Politicum, Patrium. Restat Phy-  
siologia, scientiâve universae naturae corporeae: cui,  
Angelici sententiâ Doctoris, (e) praeire, comitarique  
debent Mathematicae disciplinae; singula nimirum,  
utpote *in mensura, et numero, et pondere disposita*, (f)  
metientes, computantes, et ad statêram ipsam, vel  
trâtinam perpendentes. Atque ut haec de Philosophi-  
cis

(a) Cic. *L. 5. Tusc. qq. c. 25.* (d) *Tusc. qq. L. 5. c. 25.*

(b) *S. Thom. L. 3. cont. Gent. c. 25.* (e) *Lect. 6. in Lib. 6. Ethic.*

(c) *Psalm. 4. v. 7.* (f) *Sap. c. 11. v. 21.*

cis hactenus non fusa quidem, sed quasi destillata doctrina, aliquantulum tum incrementi, tum perspicuitatis accipiat; sequantur

## Philosophicae Conclusiones.

I. **M**ANCA, imperfectaque juventuti, Theologicae potissimum, traditur Logica; quae nulla Criticae artis rudimenta complectitur.

II. Aristotelica Facciolati Logica diurnâ, nocturnaque manu eidem Philosophicae juventuti versanda, opus nempe et rebus, et verbis eximium, ne dicam, suo in genere singulare.

III. Philosophica prorsus omnia Genuensis Antonii, Logica videlicet, Critica, Methaphysica, Physica, Ethica, Politica, quin etiam Theologica opuscula preclarissima.

IV. Altieri autem Laurentii Elementa Philosophica, donec commodiora habeantur alia, pro gymnasiis ejuscemodi retinenda quidem arbitror; modo in Musicis, Mineralogicis, Phytologicis, Zoologicis; hoc est, ad fossilia, plantas, et animalia pertinentibus, multa, quae ibi desunt, ex Philosophia Bertholdi Hauserii eruditissima suppleantur.

V. Opus de variis fossilium generibus, Bernardo Caesio auctore, Philosophis, et Theologis utilissimum.

VI. Sic est Matheseos doctrina cum Physica temperanda; ut terminis utriusque cognitis, nec transcursis; illa serviat; haec praesideat: opem illa ferat; haec palmam.

VII. Physici, Mathematicis adjuti calculis, et mensionibus, proprium est, cum de sono tractatur, Musices tradere fundamenta: in quibus Theologus peregrinus esse non debet. *Non enim pauca in Scripturis Sacris claudit, et obteggit rerum ignorantia Musicarum.* (a)

VIII.

VIII. Quàm est pulchrum, et solidum, et Theologis peculiare, opus de *Cantu, et Musica Sacra*, singula Ecclesiae tempora comprehendens, Martino Gerberto auctore, conscriptum!

IX. „Agriculturae, gubernationis, saltationum, cursionum, luctaminum, idque generis artium cognitio, etsi tenuiter, cursimque, usurpanda est tamen ad judicandum: ne omnino nesciamus, quid Scriptura velit insinuare; cùm de his artibus figuratas inserit locutiones. (a)

X. Nemo unus est ad Theologiam, nisi Methaphysica praedidicerit, admittendus.

XI. Ad Methaphysicum pertinet de brutorum anima inquirere: quam esse incorpoream ratio, et auctoritas persuadent.

XII. Interest plurimùm Academicæ juventutis, quibus credat scriptoribus; et quos caveat: maximè in rebus ad Religionem, ad Ethicam, ad Politicam spectantibus.

XIII. Eclectica philosophandi ratio cùm omnibus, tùm Theologis potissimum, necessaria. (\*)

XIV. Alia, longè alia libertas est illa, quae ab Eclectica docendi ratione procedit; atque eorum licentia hominum, et audacia, quos Germani *Frey-Geister*, Galli autem *Forts-Esprits* appellare consueverunt. Illa nimirum recta, sancta, utilis, Ecclesiasticae tandem doctrinae conformis; haec contrà prava, iniqua, pestilens, diabolica.

XV. Quare indigna prorsus est, ac intoleranda vel ruditas, vel malignitas, utramque miscère; Catholicosque viros cum haereticis, atque adeo Atheistis, in

(a) *August. lib. 2. de Doct. Christ. c. 31.*

(\*) „Philosophiam autem non dico Stoicam, nec Platoniam, aut Epicuream, et Aristotelicam; sed quaecumque ab his sectis rectè dicta sunt, quae docent justitiam cum pia scientia, hoc totum selectum, dico Philosophiam.“ *Clem. Alex. Lib. 1. Strom.*



In circulis, conviviis, academiis, pulpitis, remota, imo pessúmdata caritate, atque veritate, traducere.

XVI, Non omnem Philosophiam verbis illis, *Videte, ne quis vos seducat per Philosophiam*, ut Lutherus perperam intellexit, condemnat Apostolus; sed eam solummodo, quam et hic ad Colossenses *inanzm fallaciam*; (a) et aliás ad Timotheum *falsi nominis scientiam* nuncupat. (b)

Ac Philosophicis quidem satis, arbitror, factum. Venio ad Theologica, quae ex priori trina illa nostra opusculi partitione restabant; atque in Deo, ex ipsius revelatione, fide, spe, et caritate colendo, universa vertuntur. (c) Nempe Theologia in id tota incumbit, ut hunc intelligi, hunc praestari, hunc defendi doceat cultum. (d) Revelatio autem illa verbo Dei, tùm scripto, tùm tradito, et apud Ecclesiam deposito fidelissimam, continetur. Hujusce porrò, uniusque *mulieris, sole amictae* Divino; (e) et Christo *viae, veritati, vitae* (f) sempiternâ, et inviolabili fide desponsae; (g) de iis prorsus omnibus interest judicare; quae ad suimet sponsi, à quo et auctoritatem habet, et jure praesidium, agnitionem, timorem, amorem, honorem spectant: sic nempe, ut quicumque illam, sive docentem, sive interpretantem, sive praecipientem, sive caventem non audierit, tanquam publicanus, vel ethnicus sit habendus. (h) Ille autem ipse cultus tria summa complectitur doctrinae capita Theologicae: primum de Fide, alterum de Moribus, tùm de Disciplina postremum. Nam et *sine fide impossibile est placere Deo*: (i) et *fides sine operibus mortua est*: (k) et *si quis tandem voluerit contentiosus esse; nos talem consuetudinem non habemus, neque Ecclesia Dei*. (l) Fidei ergo

(a) C. 2. v. 3.

(b) 1. Tim. c. ultim. v. 20.

(c) August. in Enchir. c. 1.

(d) August. L. 14. de Trin. c. 3.

(e) Apocal. c. 12. v. 1.

(f) Joan. c. 14. v. 6.

(g) Ose. c. 2. vv. 19. 20.

(h) Matth. c. 18. v. 17.

(i) Hebr. c. 11. v. 6.

(k) Jacob. c. 2. v. 26.

(l) 1. Cor. c. 11. v. 16.



ergo puritate, morum sanctitate, Ecclesiasticæ regiminis observantiâ, verus Dei cultus, Christianæ Religio, atque adeo Sapiëntia, Theosophiæ, sive Theologia revelata, triplici quasi termino, definitur. Atque fidei articulos Symbolum Apostolicum; Morum Dogmata Decalogus, ad Evangelium exactus; disciplinae denique sanctiones Jus complectitur Ecclesiasticum, vel Canonicum.

Hinc triplex primùm exoritur Christiana Theologia, *Symbolica* scilicet, *Decalogica*, atque *Ecclesiastica*, vel *Canonica*: quarum singulae, pro rerum, quas continet diversitate multarum, posteriores subit, easque aptissimas, meâ quidem, nec solâ, sententiâ, partitiones. Nam quae leges pro recta Sacrorum interpretatione librorum suppeditat, *Interpretatrix* Latino, Graeco autem sermone *Exegetica* nominatur. Quae autem fidei dogmata Divinae declarat, confirmat, exornat, *Dogmatica*. Quae verò ejusdem fidei controversias adversus Ecclesiae hostes, ut dogmata ab eorum telis vindicet, urget intrepida, *Polemica* Graecè, Latinè *Bellatrix*. Quae porrò morum doctrinam continet, lege Dominica regendorum, *Moralis*. Quòd si viam perfectionis, in virtutibus obtinendae, consiliis etiam Evangelicis adhibitis, tradat, à Graecis *Ascetica* dicitur; à nobis *Exercitatrix* rectè, puto, dicetur. Quam proximè consequitur *Mystica*, arcanos, sublimésque in hominum mentes Divinitatis illapsus exquirens. Accedit *Liturgica*, quae Sacris ritibus, sive caeremoniis, ad Missae Sacrificium, Horas item Canonicas, tum reliquas Ecclesiae functiones, spectantibus, exponendis incumbit. Superest *Popularis*, *Catechetica* Graecis, vel *Homiletica*, quae in fidei, morumque doctrina, familiari, vel pueris, vel populis, sermone tradenda, versatur. *Symbolicae* genus quoddam Theologiae praetermitto, longè utilissimae, et Patribus celeberrimae; (a) Divina quamplurima, per

(a) Dionysius Alex. Epist. 9. ad Titum. Clem. Alex. L. 5. Strom. Nazianz. Orat. 37.

figuras, imagines, symbola, Deo in Scripturis Sacris attributa, tractantis: quam ad *Exegeticam*, cujus interest, relegamus. (\*) Sint jam igitur

## Theologicae Conclusiones.

I. **T**heologiae studium revelatae, rerum discendarum multitudine longum, sublimitate difficile, obscuritate periculosum, (a) auditorem sibi vendicat, maturitate, perspicacitate, docilitate denique probatissimum.

II. Cùm verbum divinitus revelatum, Ecclesia judicante, rationeque famulante, Theologicam veritatem conficiat universam; dubitari non potest, quin disquisitio Theologiae quaelibet, praeclara illà Augustini sententià, *contra rationem nemo sobrius, contra Scripturam nemo Christianus, contra Ecclesiam nemo pacificus senserit*, (b) dirigi debeat, et finiri.

III. Theologiae professoris refert, brevem quamdam, perspicuam, solidam discipulis tradere Historiae Theologicae summam, semel saltem in studii Theologici quadriennio: quod in prima, suo Theologiae Dictionario praefixa, Dissertatione Prosper ab Aquila explevit eximie.

IV. Quaestio autem illa, neque indigna tractatu; atque à Mabillonio, (c) Dupinio, (d) Possevino, (e) Gerberto, (f) aliis disputata: utrum praestet alteri, professorésne sua auditoribus scripta dictare; an auctorem quempiam, publicis typis expressum, ipsis exponere: sic mihi, in Theologica praesertim institutione,  
pro

(\*) Huc facit Symbolographia Jacobi Boschii celeberrima. (c) *Tract. de stud. Monast.* p. 2. c. 10

(a) *Nazian. Orat. 26. de Moder. in disput.* (d) *Meth. stud. Theol.* c. 25. (e) *Biblioth. Select. Lib. 1. c. 26.*

(b) *Lib. 4 de Trinit. c. 6.* (f) *De Rat. Exercit. Schol. c. 1.*

pro posteriori modo videtur esse solvenda; ut priore tamen posterior, ubiubi oportuerit, suppleatur.

V. Fuit semper, éstque adhuc, atque, donec saecula consummentur, erit in Ecclesia Catholica *arcani* doctrina secretior; quam piaculum sit temere in vulgus spargere; auribusve, non satis fidelibus, purgatis, idoneis pródere. (\*)

VI. Quapropter Theologici Magistri esse constituo, discipulos nimis redundantes; et superfluentes juvenili quadam dicendi proclivitate, reprimere: ac, ne de quibuslibet apud quoslibet disserát, providere. (a)

VII. Asceticae, Mysticaeque, solidae inquam, et verae, doctrina non est à Moralis traditione Theologiae separanda: nec verò Liturgicae, atque Ecclesiasticae, vel Canonicae.

VIII. Nec Hebraeus Veteris, aut Graecus Novi Foederis Codex in rebus fidei, vel morum corruptus est: nec à Tridentino Concilio Vulgatae Editioni Latinae postpositus.

IX. Quae cùm ita sint; (imo verò etiam si aliter quidem essent) à Doctore, Scripturae interpretationi Divinae praefecto, praeteriri non debent. Ad quod sanè haud parùm Sebastiani Seemilleri, Sacrae Theologiae Licenciati, ac Professoris, nec non Canonici Regularis Pollingani, *Hermeneuticam Sacram*, addita *Commentatione de Studio linguae Hebraicae cum Theologia conjungendo*, arbitror juvaturam. Accedit Danielis Christophori Riesii *Chrestomathia Biblica Analytica Polyglotta*.

X. Theologicae ejus auctoris Institutiones, qui aut, defendendo, studium partium fovet; aut refel-

D

lendo,

(\*) „ Quoniam iis, qui non sunt probati, non facillè potest  
 „ exhiberi ejusmodi ministerium; nonnulla consultò prae-  
 „ termitto, timens scribere, quae etiam cavi dicere: iis  
 „ metuens, qui in ea inciderent, nè in aliam fortè partem  
 „ accipientes, laberentur; et puero gladium juxta proverbium  
 „ praebere inveniremur. *Clem. Alex. Strom. L. 1.*

(a) Nazianz. *Orat. 36 1. de Theolog.*

lendo, modestiae, caritatis, justitiae terminos transiit; longè sunt à gymnasiis Academicis removendae.

XI. Novem Martini Gerberti Theologiae, *Exegetica, Dogmatica, Symbolica, Moralis, Mystica, Sacramentaria, Liturgica, Canonica, Scholastica*, totidem octavis minoribus tomis contentae; tractatus item *de Radiis Divinitatis in operibus naturae, providentiae, et gratiae*; de vera insuper Religione, *Ecclesiâque demonstratis*; tum *de apparatu ad eruditionem Theologicam* pro tironibus, quatuor tomis similibus comprehensi; aptiora mihi esse videntur opuscula; quàm ut ipsis carere ullus Theologiae debeat candidatus.

XII. Quamdam Theologorum velut bibliothecam librorum, juventuti Academicæ perutilium, atque viginti septem tomis octavis majoribus contentorum; edidit Dominicus Schramus, Benedictinus: à quibus ex ordine recensendis abstineo, ne longiùs, quàm par est, excurrat opusculum.

XIII. Volumen *de optima legendorum Ecclesiae Patrum methodo*, à Bonaventura Argonensi, Chartusiano Monacho concinnatum, rectè, ac meritò Mabillonius (a) pro Theologi institutione commendat.

XIV. Meminerit Theologus, quod à Facundo Hermianensi facundè simul, ac doctè monetur: *Patrum errores luminarium esse defectus: quae licet nunquam splendoris sui detrimenta sustineant; non tamen amittunt luminaria esse, quod sunt.* (b)

XV. Sed nulli tamen, sive Doctore, sive etiam Patri, sic est licitum adhaerere; ac si Deus, ut ita dicam, aliquis esset; ipsiùsque scripta cum Divinis, seu Canonicis conferenda. Absint igitur ab Academiae Theologis contentiones ejusmodi: *Ego quidem sum Augustini: Ego autem Damasceni: Ego verò Thomae: Ego tandem Scoti.* Omnia enim nostra sunt, sive Augustinus, sive Damascenus, sive Thomas, sive Scotus: imo sive Paulus, sive Apollo, sive Cephas:

omnia

*omnia quidem nostra sunt: nos autem Christi: Christus autem Dei. (a)*

XVI. Quamvis Theologica Doctoris Angelici Summa non modò sit Aristotelicae Philosophiae accommodata; variarúmque rerum, quæ postea contingere, notitiis destituta; sed etiam productior, atque sublimior, quàm ut eam vel quadriennium Theologiae destinatum, vel ingenia vulgaria capere possint: tamen ita est solida, ordinata, propria denique Theologorum; ut cuilibet, sive Doctori, sive discipulo, magno usui esse in suis exercitationibus possit.

Quibus sanè omnibus, expositis hactenus, et propositis, abundanter me arbitror, pro scripturae saltem hujuscemodi conditione, de discendorum ad Theologiam Ordine, ac naturâ dixisse: nescio an illuminatè etiam, et solidè: quod judicent quidem alii; sed utinam non invidiae, aut malevolentiae livore; at candore benevolentiae, et caritatis affecti!

## DE STUDIO, IN THEOLOGICA exercitatione locando,

### CAPUT II.

**O**rdinem excipit Studium, quod ad rerum, Theologi cognitione dignarum, genus penitus triplèx, maximarum, mediocrium, ac tenuium, est, ut alias monuimus, quasi ad perpendiculum, exigendum. Maxima autem à me appellata fuisse dogmatica memineritis; in quibus, propterea quia potiora sunt cæteris, principalis item est opera conterenda: quemadmodum in *adiaphoris*, vel, ut Tullius reddit, indifferentibus, vel ambiguis, (b) quæ vulgus nuncupat

Scho-

(a) 1. Cor. c. I. v. 12. Et c. 3. vv. 4. et seq. (b) Lib. 3. de Fin.



Scholastica, mediocris; tum in externis, utpote merè servilibus, exilis, ac minima. Est namque illud animadversione dignissimum, quod Apostolus non suadet modò, Augustini iudicio, sed praecipit: (a) non plus videlicet, quàm sapere oporteat; sed ad sobrietatem solummodo sapiendum. (b) Quid, quòd tempus breve est? túque, qui cum timore, et tremore tuam ipsius operari salutem (c) pro temporis brevitate festinas; ea, inquit Bernardus, scire priùs, ampliùsque curato, quae senseris viciniora saluti. (d) Porro *exhortari in doctrina sana; et eos, qui contradicunt, arguere*, Theologi munus est: (e) quem *virum bonum, rerum Divinarum peritum*, Gersonus probè describit: (f) sicut et Theologiam Melchior Canus *artem, quae docet tum propugnare fidem; tum haereses expugnare.* (g) Haec profectò sola est, aut praecipua certè, *sana illa doctrina*; quam Doctoribus Paulus inculcat. Nam, ut praeclarum, quem proximè memoravi, Cancellarium Parisiensem, iterum laudem: *quaeret*, inquit, *aliquis, quales materiae dicendae sint propriè, ac purè Theologicae?* Respondeat non ego, sed *Augustinus: quòd illae, per quas fides saluberrima gignitur, nutritur, defenditur, roboratur.* (h) Quemadmodum *fides, spes, caritas solum nominantur, et sunt virtutes Theologicae; ita materia illa dicenda est propriè Theologica, quae fidem aedificat, spem erigit, caritatem inflammat.* (i)

Dogmatum autem nomine, non admodum pressè, sed largè quodammodo, etsi solidè, accepto, nedum veritates fidei universas intelligo; verùm etiam communia decreta, vel placita Theologorum. Communia

(a) Lib. 12. de Civ. D. c. 15.

(f) Lec. 4. de Cons. pr. 4.

(b) Rom. c. 12. v. 3.

(g) Lib. 8. de L. T. c. 2.

(c) 1. Cor. c. 7. v. 29. Et Phil. c. 2. v. 12.

(h) Lib. 14. de Trinit. c. 3.

(d) Serm. 36. in Cant.

(i) Lect. 2. cont. van. curios. cons. 4.

(e) Tit. c. 1. v. 9.



munia dixi, atque iterum dico communia. „ Alia  
 „ enim sunt Scholae placita, disserit Canus aptissimè;  
 „ alia Sectae praecepta. Quae ab illis dissident, ea  
 „ notam habent; quae ab his, non habent. Nec enim,  
 „ si quid aut Scoticis, aut Thomisticis pronuntiatis  
 „ contrarium est, error illicò est. Quo sanè loco  
 „ arguendi sunt Scholastici nonnulli, qui ex opinionum,  
 „ quas in Schola acceperunt, praejudiciis, viros, aliàs  
 „ Catholicos, notis gravioribus inûrunt: idque tanta  
 „ facilitate, ut merito rideantur.“ (a) Hactenus vir  
 „ ille, quem *doctrinâ pariter, ingeniòque praepotentem,*  
*famá magnum, re majorem,* Eminentissimus, eruditis-  
 „ simúsque nominat Pallavicinus. (b) Sed áffatim prae-  
 „ monuimus: quocirca mox sanciantur

## DE DOGMATUM STUDIO

### Conclusiones.

I. **P**rimum, praecipuúmque Theologi, tum  
 docentis, tum discantis studium est; ut quaestiones,  
 ad fidem, religionémque pertinentes, ab his, quae  
 praeter fidem sunt, et in utramque partem ignorari,  
 vel negari etiam, sine fidei jactura possunt, (c) acuté,  
 ac scité discernat.

II. In eo item multum est operae collocandum,  
 ut, quid inter Catholica dogmata, adversósque hae-  
 reticorum errores discriminis intersit, facta utròrum-  
 que discussione, compareat. Quám in rem Dominici  
 de Camus, Bellicensis Episcopi, opusculum in primo  
 Thesauri Theologici volumine reperitur eximium.

III. Totum ferè quadriennii curriculum, juveni-  
 bus pro Theologiae studio circumscriptum, debet in  
 dog-

(a) *De Loc. lib. 7 c. 4.*

(b) *In Apolog. Societ. c. 28.*

(c) *August lib. 2. contr. Pelag. et Caelest. c. 23.*

dogmatum explanationem, confirmationem, exornationem, propugnationem impendi.

IV. Cum non una sit via, sed multiplex, quæ contra inimicos fidei singulos, Haereticos, Judæos, Saracenos; Paganos, Atheos, sana Catholicorum dogmatum doctrina defenditur; eas perscrutari omnes, atque discernere, operae pretium, idque magnum, Academiae nostrae Theologus habeat.

V. Tria sunt omnino exercitationum genera, ad praecipuum Theologici candidati studium attinentium, Lectionum, Disputationum, Declamationum: quorum primum secundo, secundum tertio praestat utilitate.

VI. Atque Lectiones, quotidie à praeceptoribus designatas, sic tractare satagent auditores; ut modò stilum Asiaticum adhibentes, amplificent; modò verò Laconicum, contrahant: quo magnam tum in percipiendo facilitatem, tum in dicendo dexteritatem sensim, pedetentimque sine dubio nanciscuntur.

VII. De Disputationibus autem, in quibus unus quidpiam ponit, alter deinde opponit; cui prior vel faciat satis, vel nitatur, ut faciat: sic frequentandas quidem existimo; ut tempus tamen, concertatoribus pro diligenti praeparatione sufficiens, relinquatur. (\*)

VIII. Restant Declamationes, linguâ potissimum vernaculâ, atque oratorio dicendi genere perorandae: quarum utilitas, et decencia vel ex eo solùm liquet; quòd eos, qui docturi sunt populum in Ecclesia, valere benè dicendi arte, atque usu, necessum sit: ut Andreas Hyperius, (a) Laurentiusque à Villa-Vicentio (b) consultissimè tradiderunt.

IX. Cum pleraque Religionis dogmata Christianae,

(\*) Disputationum nomine prolusiones quoque illae veniunt intelligendae; quibus in gymnasiis adolescentes, pro Cathedrae alicujus, alteriusve officii petitione deinceps instituenda, naviter exercentur.

(a) *De rat. Stud. Theol.* L. 3. c. 7.

(b) *De rat. Stud. Theol.* L. 3. c. 6.

nae, utpote Apostolorum, et Prophetarum fundamento substructae, (a) Prophetis, et Apostolicis litteris concludantur; sic in ipsarum Studio assiduus esse debet Theologus, ut semper in ejusdem manibus sint, et jugiter mente volvantur. (b) „Quin etiam terti, pagina sancta suscipiat.“ (c)

X. Et Scripturae quidem ipsae primùm, quoad fieri possit, memoriae mandandae: deinde brevis interpretis alicujus auxilio, Tirini exempli gratià, vel Menochii, credendi regulae, vivendique praeceptiones solertiùs vestigandae: tum in obscuriora, Cornelii, Calmeti, similibusque commentariis adhibitis fusiore, penetrandum. (d)

XI. Aurea verè illa, et summa Theologiae Dogmaticae Summa, *Catechismus Romanus* communiter nuncupata, Tridentiniquè Concilii curà contexta, Theologis, non solùm docentibus, sed etiam discipulis evolvenda. (\*)

XII. Quamvis non una omnibus, de tempore, à Theologico juvene in studiis locando, praefinienda sit norma; quatuor tamen horae, pro unaquaque videlicet aula binae, satis esse videntur; ut eorum quilibet congruè illuc paratus accedat.

## XIII.

(a) *Ephes. c. 2. v. 20.*

(b) *Hieron. Epist. ad Celantiam.* (c) *Idem ad Eust. de serv. virg.*

(d) *Vide August. lib. 2. de D. C. c. 9.*

(\*) „Suo jure principem locum inter omnia Doctorum scripta tenet; cum non unius privati hominis sensum, sed Ecclesiae totius judicium, et Apostolicam à Petro, et Paulo doctrinam Romanis traditam, contineat; juxta quam populo in templo, et juventuti in Scholis proponendae doctrinae omnes attemperari debent: ita ut hic unus liber instar omnium tam docentibus, quàm discipulis lydius lapis, et arctissima, et infallibilis norma, ad quam examinanda sit omnis doctrina, esse queat.“ *Jacobus Bajus in Epist. dedicat. Religion. Christian. Institutionibus praefixa, haec de Catech. Rom.*

XIII. Nullis Theologiae auditor minùs necessariis; aut expedientibus occupationibus impediatur; si quidem verus sit Theologus evasurus. Scriptum est enim: *Sapientia scribae in tempore vacuitatis; et qui minoratur actu, sapientiam percipiet.* (a)

XIV. Quoniam non omnes dogmatum tractatores in singulis aequè versantur; hi sunt inter alios pro materia unaqualibet, deligendi, qui eâdem pervestigandâ caeteris praestitère: qualis est Athanasius verbi causâ in Trinitate, Augustinus in Gratia, in Incarnatione Cyrillus. Juniores autem Bellarminus, Perronius, Castrus in dogmaticis celeberrimi.

De Dogmaticis disseruimus: ad Scholastica descendamus. Consulto autem, Theologiam partientes, Scholasticam praetermissimus: rati, nullam esse, si quidem rectè loquamur, Scholasticam Theologiam, ab illis omnibus, quas ibidem recensuimus, Theologiis; re, sed modo distinctam. Neque verò modum ejusmodi, Scholasticae proprium Theologiae, in factionibus, cavillationibus, altercationibus, aliisque Scholasticorum vitiis aliquorum, positum intelligimus: absit; (\*) sed in ordine, brevitate, perspicuitate, securitate, vi tandem, seu efficacitate doctrinae. (b) Haec quidem sunt Scholae virtutes: haec Scholasticae forma Theologiae: haec Scholasticorum tessera Theologorum. Nam „quem intelligimus Scholasticum Theologum? aut hoc verbum in quo homine ponimus? „Opinor in eo, qui de Deo, rebùsque Divinis aptè, „prudenter, doctè è litteris institutisque Sacris rationocinetur. Nisi quis is sit, esse Theologum Scholae

(a) *Eccli. c. 38. v. 25.*

(\*) „ Qui Theologi, spiritu vanitatis ut uter distenti, positos „ à Patribus terminos profana novitate transferre satagerent, „ inanibus quaestionibus, ostentandi tantum ingenii causâ, „ excogitatis: ut videantur non Theodidacti, seu Theologi; „ sed potius Theophanti.“ *Gregor. IX. Epist. ad Parisiens. Magist.*

(b) *P. Uavassor. Orat. 10.*

„lae neminem, confitendum est.“ (a) Scholae igitur Dogmatica, Scholae Polemica, Scholae Moralia, Scholae Liturgica, Ascetica, Mystica, caetera demum Theologiae genera maximè peculiaria: quibus, tanquam materiis, suae illa quasi formam ordinatae tractationis accommodat.

At, etsi haec ita sunt, tamen Scholasticae, à ple-  
risque quaestiones illae dicuntur, *quarum inscientia nihil periculi habet; error nihil habet criminis.* (b) De quibus nonnullas hocce loco conclusiones exhibere constituo; animum illuc intendens, ut extremis penitus devitatis, altero haereticorum communi, Scholam susque deque habentium, et calumniantium; altero vulgarium proprio Scholasticorum, nugis ac ineptiis indulgentium: medium illud *Nequid nimis*, à sapientissimo quoque probatum Theologo, patefaciam. Neque enim exterminandae sunt omnes; cum sit tractatio non inutilis aliquarum: nec contrà plures movendae, quàm illae solummodo, quae Christianam deceant Theologiam. Paucis dicam iterum, quod antè dixerim fortasse non semel: mediocria haec sunt, ordinisque secundi, non primi: mediocritate igitur, secundisque dignanda; non primis, et summo. Sint porro

## DE SCHOLASTICARUM STUDIO quaestionum Conclusiones.

I. **S**cholasticam, legitimam videlicet, Theologiam, quâ nihil Ecclesia Dei fructuosius, omni studio

E

re-

(a) *Can. L. 8. c. 1.*

(b) *Canus L. 7. c. 5.*



*retinendam, illustrandam, propagandam* Sedes ipsa Apostolica definivit. (a)

II. „Haereticorum insidiae, et diabolicae machinae, nationes quibus, Sacra Theologia, quae Scholastica appellatur, impetitur, de ejusmodi veritate nos admonent: nempe divino illius munere, qui solus dat spiritum scientiae, sapientiae, et intellectus, à majoribus fuisse nostris, sapientissimis viris, inventam. (b)

III. „Scholastica facultas perquam utilis est ad rectè disserendum de rebus, ad materiam religionis spectantibus: ad stabiliendas sententias, quibus nitendum est: ad decidendas novas controversias, quae passim insurgunt: ad enodandas aequivocationes, paralogismos, et haereticorum sophismata: ad conciliandos demum veterum exprimendi modos, cum iis, qui nunc in Ecclesia usurpantur.“ (c)

IV. At eorum vitia Scholasticorum magnopere vituperanda sunt, et vitanda, „qui, postpositis, vel neglectis necessariis, utilibus, et aedificativis doctrinis; curiosis, inutilibus, et supervacaneis Philosophiae quaestionibus, et subtilitatibus se immiscunt: è quibus ipsius studii disciplina dissolvitur; luminis ejus splendor offenditur, et studentium utilitas impeditur.“ (d)

V. „Theologus omnis, de re supernaturali disputaturus; (nam haec illi propria disputatio est) nomen Theologiae secum ipse reputet; titulum Theologi suum frequenter legat: sciâtque, nullam illi asciscendam esse quaestionem; nisi quae ad veram, quae supra naturam est, Christi, Apostolorum, et Prophetarum Philosophiam referatur.“ (e)

VI. Meminerit insuper, ut à quaestionibus, quae

(a) *Sixtus V. Const. 77.*

(b) *Idem ibid.*

(c) *Mabillon. Stud. Monast. p. 2.*

c. 6.

(d) *Joan. 22. Ep. ad Theol. Paris. apud Natal. Alex. t. 8 H. E.*

(e) *Can. de Loc. lib. 12. c. 5.*

quae nullo pietatis fructu, nullo morum emolumento tractantur, abstineat; Isaiac illud: *Ego Dominus Deus tuus, docens te utilia.* (a)

VII. „Stultissimum omnium fuerit, examini sub-  
„jicere, quae mentem nostram transcendunt; et ten-  
„tare intelligere, quae intelligi profecto non pos-  
„sunt.“ (b) Scilicet *qui scrutator est majestatis, oppri-  
metur à gloria.* (c)

VIII. Ejus, puto, generis sunt, ut de aliis ta-  
ceam bene multis, nonnullae quaestiones, ad intui-  
tionem Dei, visionémve, quae beatifica dicitur,  
spectantes: ubi ea, quae *nec oculus vidit, nec auris  
audivit, nec in cor hominis ascenderunt*, subtilissimè  
disputantur. (d) Quin etiam si vidisset quispiam, us-  
que ad Caelum tertium raptus; celare tamen arcana  
tanta, et talia deberet: (e) *Etenim Sacramentum Regis  
abscondere, bonum est.* (f)

IX. Jam verò vanis, curiosisque disceptationibus  
prorsus explosis; sic de utilibus, nec inextricabilibus  
disputandum; ut in illis solvendis nervi corporis,  
et animi omnes neutiquam, *quod est valde ridiculum*,  
intendantur. (g)

X. Quamquam cum his, qui à fide aberrant,  
velis, equisque est, ut dicitur, decertandum: tamen  
vel haeretici ipsi non conviciis lacesendi sunt, fi-  
gendive maledictis; sed obruendi argumentorum mul-  
titudine, et pondere convincendi. (h)

XI. Etsi Apostoli praeceptio est, *Noli verbis  
contendere; ad nihil enim utile est, nisi ad subversio-  
nem audientium*: (i) tamen non ideo dictum est; ut,  
adversariis oppugnantibus veritatem, nihil nos pro  
veritate ipsa, etiam in nominis quaestione, dicamus.

XII.

(a) C. 48. v. 17.

(b) Cyril. Alex. de fid. rect.

(c) Prov. c. 25. v. 27.

(d) 1. Cor. c. 2. v. 9. Et Isai.

c. 64. v. 4.

(e) 2. Cor. c. 12. v. 4.

(f) Tob. c. 12. v. 7.

(g) Can. de Loc. lib. 12. c. 5.

(h) Nazian. Orat. 26. et 32.

(i) 2. Tim. c. 2. v. 4.

XII. Nam est quaedam *logomachia*, seu verborum pugna, laudanda: cum scilicet, num id, quod fides, recte ratio docet, vox indicet aliquaepiam, vestigatur. Testor controversias, de vocabulis *Homoousios*, *Theotócos*, *Hypóstasis*, caeteris tandem, exortas.

XIII. Nec verò etiam minutissima quaeque, modò talia sint, Theologus praetermittat. „Nam si ex „lege nec unum jota, nec apex unicus praeteribit: „quomodo nobis tutum fuerit vel minima transilire? „Quid, quod *Est*, et *Non* syllabae duae sunt: „sed tamen bonorum optimum veritas; et extremus „pravitatis terminus mendacium, frequenter hisce „minutis oculis concluduntur?(a)

XIV. Sed aliae sunt fermè, vel prorsus de nominibus controversiae, ex quibus oriuntur inter Catholicos ipsos *invidiae*, *contentiones*, *suspiciones malae*, *conflictationes*, (b) penitus detestandae. (\*)

Multus sim, si vitia, quae in Scholam, diabolo nequiter suggerente, homine stultè consentiente, Deo tandem justissimè patiente, hactenus irrepserint, universa commemorem. Itaque praecipuis enarratis, atque meritissima exilii perpetui damnatione multatis; modo praeterea illo, quem in Scholasticis merè quaestionibus mediocritas exigit, constituto: restat, ut de minimis, servilibus, accessoriis, si ita loqui liceat, doceamus. Jam, haec illa sunt externa subsidia, quae ab humanis disciplinis omnibus evocata, in

(a) *Basil. lib. de Spir. S. ad Amphiloc. c. 1.*

(b) *1. Tim. c. 6. v. 4.*

(\*) „Intelligo etiam in Schola fuisse nonnullos, quasi ad discordiam natos; qui tùm optimè disseruisse se putant, cùm „contra doctores dixerint; ut non tam verum invenisse „velle videantur, quàm adversarios convincere, concertationibusque et rixis totas chartas implere. Atque horum „sunt in Ecclesia multi, qui tanquam milites auctorati vel „tuentur, vel impugnant; et tota eorum de re Theologica „disputatio partium studium est, contentio, atque dissidium.“  
*Can. L. 8. c. 1.*

in Sacra Theologiae castra tandiu, ac eatenus recipiuntur; quamliu, et quatenus sub religionis Catholicae signis, pro veritate, contra mendacium, oporteat, et expediat militare. Qua in re Scholastici non pauci multa peccârunt: qui suis inutilitatibus potius, quàm subtilitatibus prorsus addicti; ejusmodi eruditionem perinde, quasi puerorum naenias, imò quasi sacrilegam, Christianóque Theologo indignam, et inutilem, contempsere. Quibus ecce ego sisto primum omnium Augustinum: (a) sisto deinde Clementem, Alexandrinae Ecclesiae Presbyterum: (b) sisto quoque Cappádoces Basilium, (c) et Amphilochem, (d) studium illiusmodi suadentes. Alios híc praetereo testes pro causa nostra locupletissimos: sed Hieronymum testans, Patrum ferè neminem praetermitto.

Is enim in Epistola, Magno, Romano Oratori, de argumento hocce ipso conscripta, utriusque Ecclesiae Doctores, Orientis, et Occidentis, producit innumeros: quorum se confitetur exempla secutum. „ Quod autem quaeris, *inquit*, cur in opusculis nostris saecularium litterarum interdum ponamus exempla; et candorem Ecclesiae ethnicorum sordibus polluamus: responsum breviter habeto. Nunquam hoc quaereres; nisi te totum Tullius possideret: si Scripturas Sanctas legeres: si interpretes earum, omisso Volcatio, evolveres. Quis enim nesciat, et in Moyse, et in Prophetarum voluminibus quaedam assumpta de gentiliū libris: et Salomonem Philosophis Tyri et nonnulla proposuisse, et aliqua respondisse? Unde in exordio Proverbiorum, commonet, ut intelligamus sermones prudentiae, versutiásque verborum, parabolas, et obscurum sermonem, dicta sapientum, et aenigmata, quae propriè dialecticorum, et philosophorum sunt.“

Dein-

(a) *Lib. 2. de D. C. tot.*

(b) *Stromat. lib. 1. à p. 278.*

(c) *Serm. ad adolesc. de Stud. in Gentil lib.*

(d) *Ep. ad Seleucum.*

( XXXVIII )

Deinde testatur Apostolum, Epimenidis; Menandri, Aratique versiculos usurpantem: „ didicerat, *subdens*, „ à vero David, extorquere de manibus hostium gladium; et Goliae superbissimi caput proprio mucrone truncare. Legerat in Deuteronomio, Domini voce praeceptum, mulieris captivae radendum caput, supercilia, omnes pilos, et ungues corporis amputandos; et sic eam habendam in conjugio. „ Quid ergo mirum, si et ego sapientiam saecularem „ propter eloquii venustatem, et membrorum pulchritudinem de ancilla, atque captiva Israëlitidem „ facere cupio? Et si quid in ea mortuum est, idolatriae, voluptatis, erroris, libidinum vel praecido, vel rado: et mixtus purissimo corpori, vernaculos ex ea genero Domino Sabaoth? Neque „ statim prava opinione fallaris, contra gentes hoc „ esse licitum; in aliis disputationibus dissimulandum: „ quia omnes pene omnium libri, exceptis his, qui „ cum Epicuro litteras non didicerunt, eruditionis, „ doctrinaeque plenissimi sunt.“ Haec Hieronymus: qui vir, et quantus!

Quare ineruditos illos homines, atque eruditionem, quam nesciunt, blasphemantes, (a) à Hieronymo ipso persuasus, exhortor: *ne vescentium dentibus edentuli invideant; et oculos caprearum talpae contemnant.* (b) At nec eorum studium probare possumus Theologorum, qui externis scientiae Divinae subsidiis se aut totos dedunt; aut diutius, et vehementius, quam ipsorum deceat professionem. Quibus id certe contingit, ut, quò longius in prophanis litteris progrediuntur; eò magis regrediantur in Sacris. Caveat, quaeso; utrumque Academicus noster Theologus vitium: et suum rei cuique concedat studium. Adminicula tantum illa sunt: tantum igitur adminiculent. Mathematicus sanè Mathematicum agat; Philosophus Philosophum; Musicus Musicum; caeteri tandem

cac-

(a) Judas. v. 10.

(b) Ubi supra.



caeteros reliquarum artium professores: at Theologus, disciplinarum omnium notiones adhibens opportunè; néve hunc, néve illum, néve alium; sed unum omnino Theologum. Quod ut ampliùs innotescat; sequuntur

## DE STUDIO IN EXTERNIS THEOLOGIAE subsidiiis Conclusiones.

I. **N**EC nullum in Sacra Theologia locum habet ratio naturae, nec primum: quorum illud Spinositae; hoc Sociniani, cum Lutheranis, Calvinistisque, contuentur.

II. Tria veritatum genera Theologia complectitur Christiana: aliae, quae naturae lumine cognoscuntur: partim quae, tametsi naturaliter latent, patet nihilominus esse posse: tum quaedam ita sublimes, arcanæ, difficiles; ut eas ratio non solum assequi nequeat, verum et sibi quodammodo videantur esse pugnantes.

III. Primi generis sunt, **DEUM** esse: ipsius etiam attributa: multa demum moralis doctrinae principia. Secundi, Inferos existere, Purgatorium, Paradisum. Tertii, Trinitatis, Incarnationis, Eucharistiae, caeteraque mysteria consimilia.

IV. Et primas quidem illas ratio demonstrat: secundas tamen, et tertias, totam se *in captivitatem redigens*, *in obsequium Christi*, (a) fide fulta, et freta, et tuta, complectitur.

V. Utatur ergo *ratione* Theologus, humanis disciplinis excultâ: primum ad veritates, in principiiis fidei implicitas, eruendas. Deinde ad fidem ipsam con-

(a) 2. Cor. c. 10. v. 4.

contra ejusdem adversarios defendendam. Postremò ad Ecclesiae doctrinam, quatenus fieri poterit, illustrandam; vel etiam ampliùs confirmandam.

VI. Discat cum Moyse, ac Daniele, Chaldeorum, Aegyptiorumque sapientiam, de Magia videlicet, de observatione somniorum, de Astrologica divinatione: non ut sequatur, inquam: apage; sed ut judicare possit, refutare, convincere. Huncce locum Benedictus Pererius, Valentinus, tribus persecutus est libris, tomo singulari, octavo minore, contentis.

VII. Sapientia praestabilior eloquentiâ est.

VIII. Imò tantò magis insipiens eloquentia declinanda; quantò magis, suavitatibus illi propriis inescatus, in errorem auditor inducitur, maxime juvenus incautior.

IX. Sapientia ineloquens salutaris: suavitatem namque, quam dicendo afferre non potest; probando tamen, supplere contendit.

X. Sapientia eloquens plùs certè, quàm ineloquens, prodest. Quae sanè, usque à septima, Augustini sunt omnes. (a)

XI. Eruditionem, ac eloquentiam Scriptura Divina commendat. Ibi enim legitur: *Fons vitae eruditio possidentis: qui sapiens est corde, appellabitur prudens; et qui dulcis eloquio, majora percipiet.* (b) Cætera persimilia. (\*)

XII.

(a) *Lib. 4. de Doct. Christ. c. 5.*

(b) *Prov. c. 16. vv. 22. 23.*

(\*) Contra eos, qui à Theologia disciplinisque reliquis, eloquentiam arcent, haec Vivesius. „ In hanc stultissimam, et pestiferam opinionem plerique adducti sunt; ut Philosophiam, ut Theologiam, ut reliquas artes incorrupto sermone tradi non posse credant. Si quid paullo cultius scriptum est, quodcumque sit ejus argumentum, illud (tam inscii, et stupidi sunt) non Philosophiam, non Theologiam, non Jus, non Medicinam, sed Grammaticam vocant. In Pseudo-Dialecticos.

XII. Nulla prorsus scripta sunt neu sapientiora, neu eloquentiora, divinitus inspiratis. (a)

XIII. Quamquam omnes eloquentiae humanae virtutes, atque ornamenta dicendi, in Sacris litteris reperiuntur; tamen illud magis admirandum, ibidem est, ac stupendum; quod sic eloquentiâ illâ, per aliam sibi propriam, scriptores Divini sunt usi; ut nec eis deesset, nec emineret in eis: propterea quod eam nec improbari ab illis, nec ostentari scilicet oportebat. Res autem ita inibi proferuntur, quasi sapientiam de domo sua, id est, pectore sapientis, procedere intelligatis; et tamquam inseparabilem famulam, tametsi non vocatam, sequi nihilominus eloquentiam. (b)

XIV. Si à Philosophiae, Theologiaeque studio inutilia omnia resecantur; nullusque in Academiam recipiatur, nisi mediocriter saltem rudimentis humanitatis imbutus: varia illa, et multiplex eruditio, Theologiae propria candidatis, in octo annos, triennium nempe Philosophicum, Theologicumque quadriennium, vel quinquennium distributa, locum habet satis idoneum: vix cum deinceps, gravioribus negotiis, curisque recurrentibus, habitura.

XV. Ejusmodi *polymathias*, sive litteraturae multiplicis, in Auditore conatus saltem esse debet, et adumbratio: in Bacchalaureo mediocritas: in Doctore praestantia: in Professore, vel Gymnasiarcho, perfectionis summa dexteritas. *Francisci Roberti Polymathia, seu ad multiplicem scientiarum notitiam brevis, accurataque methodus*, tribus octavis tomis expressa, percommoda.

DE

F

(XLII)  
DE FINE, IN THEOLOGICA  
exercitatione habendo,

CAPUT III.

DE Studio docuimus. Reliquum est, ut de Fine, qui Studium, et Ordinem longè praestat utilitate, dicamus. „Nam si quis fuerit consummatus inter „filios hominum; ab illo autem sapientia tua, „Domine, abfuerit; in nihilum computabitur.“ (a) Ergo „Charismata aemulamini, *juvenes*, meliora: ad- „huc enim excellentiorem vobis viam demonstro:“ (b) non cupiditatis quidem illam, non inertiae; sed solertiae, sed caritatis. Fac, quaeso, mi Theologe, te hominum, te Angelorum etiam loqui linguis: te prophetico spiritu afflatus: te cuncta nosse mysteria: te scientiam omnem, exceptâ nullâ penitus, possidere. Benè quidem habet: at, nisi caritatem habueris; factus es velut aes sonans, aut cymbalum tinniens. Imò nihil es: nihil tibi prodest; (c) caeteris parum. *Qui enim sibi nequam est; cui alii bonum eum futurum putatis?* (d) Sed multùm (addite, si voletis, etiam plurimùm) alios iuverit scientia, caritate defecta: quid demum, mei *juvenes*, prodest homini, si, dum univ-ersum lucratur mundum, suae patiatur animae detrimentum? (e)

Jam verò multam locus iste postremus, eamque gravem, utilem, opportunam, de Theologici auditoris officiis; de virtutibus quoque, à se potissimum exercendis; tum de vitiis declinandis, doctrinam exposcit. En fateor: sed cùm ea, quae huc pertinent, documenta in medio sint posita; et oratio nostra paullo longiùs provecta sit, quàm proposita ratio postularet; relicta omni partitione, atque ordine hactenus observato, succedant p̄otinus

DE

(a) *Sapient. c. 9. v. 6.* (c) *1. Cor. c. 13.* (e) *Matth. c. 16. v. 26.*  
(b) *1. Cor. c. 12. v. 31.* (d) *Eccli. c. 14. v. 5.*

## DE FINE STUDII THEOLOGICI

## Conclusiones.

I. SECUM ipse recolat Theologiae candidatus, quid DEO debeat; quid sibi; quid Magistris; quid condiscipulis; quid denique veritati.

II. Nempe pietatem DEO; sibi sedulitatem; Magistris docilitatem; condiscipulis exemplum; amorem, subjectionemque veritati, ipsum debere, quis ambigat?

III. Vitia illi potissimum declinanda, somnus nimius, gula, luxuria, nebulonum familiaritas, inconstantia.

IV. Virtutes verò maximè colendae, oratio, temperantia, castitas, modestia, observantia, cum sapientibus denique consuetudo.

V. En autem illius, quā ipse uti apud DEUM debet continenter, precationis et formam, et ordinem planè divina: *Bonitatem, et disciplinam, et scientiam doce me.* (a) Scilicet vitae sanctitatem, discendi industriam, perspicientiam cognoscendi. Vel ut Hebraeus habet: *Tub, táham, vadáhath lammidéni: bonitatem, sensum, et cognitionem*: apertiùs, virtutem, captum, intelligentiam.

VI. Sapientia munditiem exigit cordis: quae lectione, meditatione, oratione, mortificatione denique comparatur.

VII. Talem, talem perquirito, mi Theologe, scientiae rectorem; qualem à Basilio prolixè descriptum, tibi in pauca redigens, offero: nempe vitiis vacuum; virtutibus plenum, et doctorum scientiā Sanctorum. (b) Quem profectò cum videris, et inveneris; (invenies autem, si Dominum timeas) (c) *evigila ad*

(a) *Psalm. 18. v. 66.*

(c) *Eccli. c. 6. v. 16.*

(b) *Orat. de renunt. et abdic.*



*ad eum; et gradus ostiorum illius exerat pes tuus: (a)*  
quidquid superbus, et arrogans, et insipiens mundus  
obtrectet.

VIII. Caroli Musartii *Adolescens Academicus sub  
institutione Salomonis*, opusculum Theologicæ juven-  
tuti, imò cuilibet studiosæ, præcipuum.

IX. Accedit extrema positio, ex Clementis Ale-  
xandrini, omnium eruditissimi, (b) desumpta doctri-  
nis. Tria igitur sibi ista nostras Theologus vendicat:  
contemplationem, mandatorum executionem, viro-  
rum bonorum effectionem. Quæ sanè omnia con-  
currentia, Theologum complent: si quid autem desit  
ex illis, ejus claudicat Theologia. (c)

Quid jam verò mihi, Theologici juvenes, restat:  
postquam Ordinem, Studium, Finem in Theologicis  
exercitationibus observanda, eâ planè, quâ potui,  
brevitate, perspicuitate, gravitate, concinnitate pro-  
posui, exposui, firmavi: post faciem Theologiæ ve-  
nustissimam, si minùs expressam, at minimùm adum-  
bratam; Theologiæque, non tironis modò, sed etiam  
veterani, primas, et secundas, et tertias explanatas:  
nisi, ut vos enixè, ad ea omnia munia, et officia,  
pro uniuscujusque facultate, præstanda, et explenda,  
cohorter? Apostoli porrò doctrina est: *Qui se putat,  
aliquid scire; nondum scit, quomodo eum oporteat sci-  
re. (d)* Non ergo tam scientia ipsa, quàm sciendi  
modus probandus est: quippe in quo scientiæ fructus,  
et utilitas à tanto, talique Theologo constituitur. Quid  
ergo modum sciendi Paulus appellet, Bernardus ex-  
ponit: „ut, inquit, quo ordine, quo studio, quo  
„fine noscenda sint quæque, noscamus. Quo ordi-  
„ne: ut id priùs; quod maturius ad salutem. Quo  
„studio: ut id ardentius; quod vehementius ad  
„amorem. Quo fine: ut non ad inanem gloriam,  
„curiositatem, avaritiam, ambitionem; sed ad sui  
aedi-

(a) *Ibid.* v. 36.

(b) *Hieron. Ep. ad Magnum.*

(c) *Lib. 2. Stromat.*

(d) *1. Cor. c. 8. v. 8*

„aedificationem, quod prudentia quidem est; et ad  
 „proximi deinde, quod caritas.“ (a) Videte igitur,  
 ne Ordinem pervertentes; Studium convertentes; Fi-  
 nem, seu propositum, avertentes; oleum perdatis,  
 et operam: sapientiam ex sapientiae domo, elapso  
 studiorum curriculo, minimè reportantes. Est enim  
 illa manifesta non multis; (b) sed his se tantum,  
 qui ipsam adamant; et rectè, atque constanter pers-  
 crutantur, ostendit. (c) Date, obsecro, Theologiae  
 operam, filii: non ut vocemini ab hominibus Rabbi;  
 nec ut substantiam huiusce mundi fallacem, hono-  
 rúmve praecipitem celsitudinem nanciscamini: est  
 namque melior cunctis pretiosissimis sapientia; nec ei  
 potest desiderabile quidpiam comparari. (d) Sed ut  
 SOLUM DEUM VERUM, TRINITATEM scilicet beatis-  
 simam, in cuius cognitione aeterna vita est posita,  
 cognoscatis, timeatis, fide, spe, caritate colatis,  
 aliósque colere doceatis. Ad extremum, estote Theo-  
 logi: at non specie tenus, aut nomine; sed revèra,  
 sed prorsus: Theologi, inquam, cogitatione, ser-  
 mone, ac vitae ratione.

Faxit omnipotens, ut nedum festum diem illi  
 agant cogitationum reliquiae nostrarum; (e) verbúmque  
 bonum corda eructent nostra perpetuò: (f) sed etiam  
 ipsi uní opera cuncta dicemus, donec vel ossa con-  
 clament: DOMINE, QUIS SIMILIS TIBI? (g) Utinam  
 faxit! Sic enim, in caritate radicati, atque fundati,  
 curremus; ut possimus, duobus cognitionis, dilectio-  
 nisque brachiis, comprehendere cum omnibus Sanctis,  
 quae sit ejus latitudo, et longitudo, et sublimitas,  
 et profundum; qui excelsior caelo est, profundior  
 inferno, longior terrâ, latior mari. (h) Scire etiam,  
 supereminentem scientiae, caritatem Christi; ut in  
 om-

(a) In Cantica Serm. 36.

(b) Eccli. c. 6. v. 23.

(c) Eccli. c. 6. v. 28.

(d) Prov. c. 8. v. 11.


(e) Psalm. 75. v. 11.

(f) Psalm. 44. v. 1.

(g) Psalm. 44. v. 10.

(h) Job. c. 11. v. 8.

omnem Dei plenitudinem impleamur: (a) donec, revelatâ prorsus facie, gloriam Domini speculantes, in eandem imaginem, à claritate in claritatem, tamquam à Domini Spiritu, transformemur; (b) pérque vicos Caelestis Jerusalem ALLELUIA perpetuum concinamus. (c) Hoc demum pacto, quod cum omnibus, qui haec lecturi sunt, libenter ineam, perorabo: ut „ubi „ pariter certi sint, pergant mecum; ubi pariter haesitent, quaerant mecum; ubi errorem suum cognoscant, redeant ad me; ubi meum, revocent me:“ (d) non solum ab Ecclesia, sed à sapiente, imò et insipiente quolibet, si modò rectè admoneat, corrigi paratissimum. Quo caritatis viam simul ingressi; ita in domo Dei ambulabimus cum consensu; (e) ut ad eum ipsum, de quo scriptum est, *quazrite faciem ejus semper*, (f) amicissimè contendamus.



(a) Ephes. c. 3. vv. 18. 19.

(b) 2 Cor. c. 3. v. 18:

(c) Tob. c. 13. v. 22.

(d) August. lib. 1. de Trin. c. 3.

(e) Psalm. 54. v. 15.

(f) Psalm. 104. v. 4.

1. The following are the results of the experiments conducted in the laboratory of the Department of Agriculture, University of California, during the year 1910. The experiments were conducted under the supervision of the Director of the Department, and the results are given in the following tables. The first table gives the results of the experiments conducted in the laboratory of the Department, and the second table gives the results of the experiments conducted in the field. The results of the experiments conducted in the laboratory of the Department are given in the following tables:



2. The following are the results of the experiments conducted in the field during the year 1910. The experiments were conducted under the supervision of the Director of the Department, and the results are given in the following tables. The first table gives the results of the experiments conducted in the field, and the second table gives the results of the experiments conducted in the laboratory of the Department. The results of the experiments conducted in the field are given in the following tables:







